

նրը եւ սարկաւագները ըստ հին համարագրի արձակուած էին հարկերից. այժմ նրանց ցուցակ են անց կացնում — “Presbyteros kai diaconous ho palaios census ateleis apheken. Hoi de num... apegrapsanto” (P. G. 32 Col. 509) :

Նամակագիրը յիշում է նաեւ, որ կան քահանաներ, որոնք ազատ են մնացել հարկից, աւելի ճիշդ որոշ արտօնութիւն են վայելում, եւ դանդաւորում է, որ այդ արտօնութիւնը թողնուած է ժառանգարար նրանց որդիներին: Հայրապետը գտնում է, որ այս ձեւը անարդար է, որովհետեւ յաճախ որդիները անարժան են վայելելու ժառանգած առանձնաշնորհումը: Ուստի առաջարկում է, որ իրեն թողնելի առանձնաշնորհումի բաշխումը եկեղեցականների մէջ, որպէսզի արժանաւորները ստանան եւ եկեղեցու պետը իրազեկ լինի նրա պաշտօնէութեան դրութեան:

Բարսեղի առաջարկը հասկանալու համար, ինչպէս եւ արտօնութեան էութիւնը, պէտք է գիտենալ հետեւեալը.—

Հոռոմէական կայսրութեան մէջ Դիոկլետիանի օրից հարկահանութեան հիմը կազմում էր jugum, որ նշանակում է բառացի լուծ, եւ իրապէս հողի այն քանակը, որի արդիւնքը բաւական է մի մարդու ապրուստի համար: Հարկային համարագիրը կայանում է նրանում, որ պարզեւ եւ գրի առնեն, թէ ով որքան jugum լուծ՝ հող ունի: Ամէն մի լուծի համար պահանջում է որոշ հարկ:

Արտօնութիւնը, որի մասին խօսում է Բարսեղ Կեսարացին, արտայայտում է նրանով, որ որոշ թուի juga զեղչւում է. եթէ մէկն ունի 20 լուծ հող, արտօնում է տալ հարկ միմիայն զիցուք կէսի համար, ուրեմն տասն լուծը բաշխում է նրան:

Բարսեղի նկատողութիւնից երեւում է, որ կային եկեղեցական պաշտօնեաներ, որ կարողացել էին ձեռք բերել առանձնաշնորհում, հետեւապէս, շատ հող ունենալով, քիչ հարկ էին վճարում, կամ գուցէ միանգամայն ազատ էին: Հայրապետը յօժար չէ, որ որդիները եւս օգտուեն հայրերին զիջած արտօնութիւնից: Նա առաջարկում է որ յայտնի թուով անհարկ juga իր տրամադրութեան տակ դնեն, որ ինքը

եւ իր յաջորդները արժանապէս բաշխեն վաստակաւոր երէցների միջեւ:

Կոստանդին Մեծը, ինչպէս որ ակնարկում է եւ Բարսեղ Կեսարացին, արդարեւ ազատ էր յայտարարել եկեղեցական հողերը հարկերից. օրէնքը հասած է մեզ:

Նրա յաջորդների օրով օրէնքը թւում է թէ փոխուած էր եւ եկեղեցականները գրուած էին հարկատու, adscripti censibus. Բարսեղ Կեսարացու միջնորդութեան հետեւանքը, իրական թէ տեսական, այն պիտի լինէր, որ արտօնեալ երէցներ եւ սարկաւագներ որպէք եւ եղբայրներ հարկի տակ պիտի ընկնէին: Ճիշդ այն ինչ որ Փաւստոսն է ասում, որ «զեղարս եւ զորդիս երիցանցն եւ սարկաւագացն» ծառայութեան առաւ: «Եօթն հողի» վերածումը «երկու հողի» կարելի է կապել Բարսեղի ակնարկած jugա-ներին:

Ասորի դատաստանագիրքի մէջ jugum բովանդակում է որպէս հողաչափ 20, 40 եւ 60 jugerum, նայելով հողի յատկութեան, այսինքն 5, 8 եւ 12 հեկտար: Եթէ ընդունինք որ Պապը մի մի jugum է թողել գիւղական երէցներին եւ սարկաւագներին, քանակը բաւարար է: Փոքր Հայքում եւ Պոնտոսում 30 jugera էր համարում jugum:

Պապին վերադրուած գործը դժուար է անջատել այն երեւոյթներից, որ մտահոգութիւն էր պատճառում Բարսեղ Կեսարացուն: Արդեօք կայսրներին հետեւելով Պապը բռնացել էր իրօք եկեղեցականների հողային եւ անձնական դրութեան վրայ, որ անկարելի բան չէ: Նոյնչափ հնարաւոր է որ Բարսեղի կենսազբուրութեան միւս զծերի հետ անցած լինի Ներսէսին եւ mutatis mutandis յարէ Պապի անուան: Այս դէպքում ենթադրելու է որ արեւմտեան jugam չէ գտել հայացի արտայայտութիւն եւ փոխարինուել է հող ընդհանուր բառով:

Ամէն պարագային Փաւստոսի վկայութիւնը պէտք ունի ստուգման: Նրանից քամած հող երդոյ չէ բնորոշում իր նախադադափարի էութիւնը: Բնական է, որ չենք կարող հետեւել պ. Մանանդեանի խորհրդածութիւններին: Չզրտենք մտածութեան ո՛ր օրէնքով հող երդոյ համարում է ոչ միայն յատուկ հողաբաժին,